



UNIVERSITÄTS-
BIBLIOTHEK
PADERBORN

Jus Canonicum Ad Libros V. Decretalium Gregorii IX.

Huth, Adam

Augustæ Vindelicorum, 1732

26. De maledicis

[urn:nbn:de:hbz:466:1-63433](https://nbn-resolving.org/urn:nbn:de:hbz:466:1-63433)

stia Clericali, & mansuetudini Christi. Possunt tamen Præceptores, Moderatores, & Magistri AA. LL. venire ad verbera moderata. *can. 19. dist. 1. de pœnit.* etiamsi discipuli, quos corrigunt ira, sint Clerici. *c. 10. & 54. §. fin. de sent. Excomm.* Episcopi etiam & superiores Regulares possunt Clericos sibi subditos, si fuerint in minoribus, ob causas leves, si in majoribus constituti, ob graviores verberibus castigare. *can. 8. dist. 45. can. 25. pr. dist. 86.* non tamen propria manu Episcopus potest percutere. *can. 25. cit.* sed percussione committere debet Clerico, non laico *de iure*, nî velit ipse cum Laico percutiente excommunicationem incurrere, etiamsi iusta verberationis causa subsit. *arg. c. 24. de sent. Excomm.*

Q. 2. Sub quibus pœnis prohibitum sit Clericis, percutere Laicum? Resp. Si Clericus percusserit laicum, pœna primâ vice pro qualitate & circumstantiâ percussione, est arbitraria; si se Clericus non emendaverit, sed facilè ac passim ex indignatione subitanè ob leviores etiam defectus ad verbera procedat, deponi potest & debet. *arg. c. 1. h. t.*

TITULUS XXVI.

De Maledicis.

Q. 1. Maledictum quid & quotuplex? Resp. I. In genere maledictum, nomine à maledicendo vel loquendo derivato, est mala locutio de

altero : & qui ita malè loquuntur, vocantur *maledici*. Dividitur maledictum in Blasphemiam, quæ Deam, Contumeliam & Detractionem, quæ homines respicit. *Blasphemia* est; quando vel aliquid affirmatur de DEO, quod ei non competit, v.g. dicendo, quodd sit injustus; vel negatur, quod ei convenit, v.g. omnipotentia, providentia; vel si creaturæ tribuatur, quod Creatori competit, & hæc Blasphemia dicitur *hæreticalis*. *Simplex* est, quando quis detestatur Deum vel ei malum imprecatur, aut Christum Deum, ejusque vulnera per despectionem indecenter nominat. Ad Blasphemiam reducuntur verba injuriosa & contumeliosa in Deiparæ, aliosque Sanctos conjecta. *Contumelia* est, dum quis præsentis & in faciem malum objicit, quod si falsum, *convitium* dicitur. *Detractio* est, quando absentis honor læditur. *Imprecatio*, quæ malum aliquod optatur proximo in futurum, huius loci non est.

Q. 2. *Quanam sint pœna maledicorum?* *Blasphemi* in L. V. lapidibus obruebantur *Levit. c. 24. v. 26.* Jure Can. antiquo *Blasphemi* deponebantur, Laici excommunicabantur *can. 10. caus. 22. q. 1.* postea præter pœnitentiam publica multa pecuniaria est exacta. *h. t.* rursus aliæ pœnæ in Clericos æquè ac in *Blasphemantes* à Leone X. Julio III. & Pio statutæ, De Jure Civili *Nov. 77. c. 1. s. 2.* præter amputationem linguæ decretum est ultimum supplicium, quod in *blasphemos* saltem Deum

Deum disjunctivè innovavit *Carolus V. in Recess. August. de ann. 1548. ar. 1. §. 2.* hodie de utroque jure est arbitraria; Concord. *Jus Palatin. p. 5. Tit. 8.* Crimen blasphemiae est mixti fori. *c. 2. h. t.* nisi sub ratione hæresis & non blasphemiae tantum in judicium deducetur.

Resp. 2. Detractores & convitiatores respectu privatorum, præterquam quòd se reos faciant peccati mortalis, & ad famæ reparationem in conscientia teneantur, in foro externo actione injuriarum conveniri possunt. *L. 15. §. 25. ff. & L. 9. C. de injur.* adeoque pœnæ arbitrariæ obnoxii sunt. De Clericis maledicentibus vide *can. 5. dist. 46. 2.* Eodem modo si quis maledixerit *Principi seculari, aut Imperatori, hodie* pœnæ arbitrariæ locus est, nisi essent verba ad seditionem aut rebellanem, & ita ad crimen læsæ Majestatis spectantia. *arg. c. 1. h. t.* 3. Si quis maledixerit summo Pontifici, est quoque pœna de jure communi arbitraria. *c. 1. h. t.* etsi conveniens sit Papam Christi in terris Vicarium imitari illius mansuetudinem, injuriam illatam remittendo. *arg. can. 27. caus. 23. q. 4. L. 10. C. de Episc. & Cler.* Quæ de maledicis & blasphemis dicta, eo suo modo *spargentibus libellum famosum* sunt applicanda.

G 5

TI-